

- M-D-L-C** *(Rupèement.)*
 I' n'a pas qu'faithe de s'troublyier l'ésprit pour mé, j'y'ai écrit simplement hors de politesse pour lî dithe qu'i n'me r'verra pas à l'eglyise, et de trouver tchiqu'un a m'r'empliaichi.
- M. Nicolle** *(Protestant.)*
 Le Recteu' n'approve pas de vos plians de vos mettre au liet pour le restant de vos jours, car l' sait qu'ous êtes capablye de rendre de grands services dans la paraisse.
- M-D-L-C** Qui s'mêle de ses affaithes. Je n'ai pas besoin de lî à faithe les dècisions importantes dans ma vie.
- M. Nicolle** Si j'avais seulement le filet aussi bein coppé comme le Recteu' je pouvarais peut-être vos faithe changi d'idée.
- M-D-L-C** Mon d'vé est bein clié. En cherfouillant dans l'coffre-fort i'y'a tchique semaines je trouvais des documents de plusieurs générations des femmes dans not' famille me disant tchi fallait à l'âge de 70 ans me mettre au lièt si j'voulais faithe de viers os et éviter de grands malheurs. Ch'est pourtchi, Madame Nicolle, 'ous perdez bein vot' temps à prêchi. Je sis dêterminée de suivre les traditions de notre vielle famille.
- M. Nicolle** *(Un dernyi effort.)*
 Est-che qu'ous n'avez pas rélisé que les membres de l'églyise s'en vont vos mantchi. Et tch'est que je f'thons quand veindra le temps des bazaars et...
- M-D-L-C** *(Interrompant.)*
 Allez d'mander à m'n amie Héléne Desgranges, ou'n' s'en va pas s'mettre lyi. Mais ou'n' voa f'tha pas grand hounour car oulle est comme un êpeuthas auve ses viers chapiaux et ses longues robes que nou' lî donn'ait au moins 80 ans.
- M. Nicolle** Pardon Madame de la Cour ous vos trompez la car quand j'vis Madame Desgranges l'autre jour ou' pathaissait hardi bein érjannie.
- M-D-L-C** *(Bouffant d'rithe.)*
 Erjannie! En v'la du bavin! Et quand j'éthions jeunnes filles ensambley ch'tait mé tchi pathaissait tréjours la mus des deux.
- M. Nicolle** Eh bein ou' pathais certainement mus que vous à chet'heu' et sembye